

REPUBLIC OF KIRIBATI



PUBLIC HEALTH INFECTIOUS DISEASE REGULATION

(Section 17 & 22)

CURFEW ORDER

Ngai, **Honorable Minister, Tinte Itinteang**, iaan mwakau are I a tia n anganaki man te tua ae te Public Health Infectious Disease Regulation ni mwakorona ae 17 ao 22, ao I kanakoa au kaetieti ibukin waaki ake a riai ni iraki karaoaia iaon Tarawa Teinainano ao Betio n aron aikai:-

1. Mwangan nako te Tautaeka ao ana Botaki n Mwakuri n te Tautaeka ma Bitineti, a na bon teimatoa ni waaki n akea te raraoma ke tiatianakin kaako n te aro are e na kona ni karekea te nakonnano iron te botannaomata. A kaungaaki Botaki ni mwakuri nako ma Bitineti ba a na ira nanon ana kainibaire te Botaki ni mwakuri ibukin te Mauri ao Katoki Aoraki. Mwakuri nako ma bitineti a na riai n toki imwain boon te aoa 9pm n te tairiki ni karokoa te aoa 6am n te ingabong.

2. Akea te mwamwananga nako aonnaba ao nako Tarawateinainano ao Betio ae e kariaiakaki. Bon ti kaako, bwaan bao ni mwamwananga ao bwai n aoraki aika a na teimatoa n nikiraki iaonnaba ao nikotaki ma Aoraki aika kakaiaki nakon te Oo n Aoraki I Tarawa. Ibukin mwamwananga riki tabeua itinanikun aika a taekinaki ieta ao a na riai n rinanon te tia Koroboki n ana Aobiti te Beretitenti, ibukin karekean te kariaia imwain karaoan mwamwananga akanne.

3. E na toki te nakonako ao aomata a riai n tiku iaan aia auti man te aoa ruaiwa n te tairiki (9pm) nakon te aoa 6am n te ingabong. Aio are e na reke iai

aia tai te koraki ni kati ai tabeia inanon te ngaina ao n okiri mwengaia imwain te bong. Te ririaki imarenan aoa aikai 9pm – 6am e bon taburoroko n aron te kamaangang, te nako n akawa ao ai bon kitanan te mwenga. Aomata a riai n tiku iaan aia auti n aki kitani ngkana akea ana kariaia ana Aobiti te Beretitenti ibukin mwanangaia. E na ti kariaiakaki te nakonako ibukin karekean buoka aika a karina ma ni kainnanoaki ibukin maiun te aomata n aron te onnaoraki, bureitiman ao te ka n tiriai. Aei e aki kainanoa ana kariaia ana aobiti te Beretitenti.

4. Taan mwakuri ake a rangi ni kainnanoaki a na kona ni kariaiakaki ni kona ni kaei aia tabo ni mwakuri n aoa aika a kainaki iaan te oota aio n reken ana kariaia ana Aobiti te Beretitenti irouia. Ibukin karekean ana kariaia ana Aobiti te Beretitenti, a kabaeaki bureitiman n ibuobuoki n te itera aio ni karokoi bubuti nakon ana Aobiti te Beretitenti.

5. Akea te bobotaki n aron te ikoikotaki n bingo, mooi nangkona ke n mooi manging ke bon bobotaki ni kabane. Te kauring nakoia kautun aaro ba a ibuobuoki ma ami botannaomata ibukin barongan aia taromauri ao aia tuutia ni kaineti moa ma te taneiai ae boou aio.

6. Ibukin reirei nako iaon Tarawa Teinainano ao Betio, a riai ni kamotirawaaki ni kabane ao man kakauongo nakon babaire aika boou ni kaineti ma barongan te reirei n te wiiki ae e na roko.

7. A kabaeaki bureitiman bwa a na tara nanon te oota aio ba e na bane n iraki nanaoia irouia aomata.

8. Aki iran nanon kaetieti aikai bon uruan te tua ao a na kona bureitiman ni kamatawarika ke ni katuaia ake a kuneaki n aki ira nanon te tua/ota aio.

9. E na kabonganaki te ota aio ni karokoa manga katanoatakin bitakina.

Dated

.....

Hon. DR. TINTE ITINTEANG

MINISTER FOR HEALTH

Printed by exhibition at the Office of Te Beretitenti on
.....2021.

.....

DR. NAOMI BIRIBO

SECRETARY TO THE CABINET